



Republika e Kosovës
Republika Kosova-Republic of Kosovo
Qeveria - Vlada - Government

Këshilli i Ministrave për Reformën e Administratës Publike

PROCESVERBAL

**i Mbledhjes së dt. 30 prill 2015 të Këshillit të Ministrave të Reformës së
Administratës Publike**

Mbledhja e KMRAP është kryesuar nga Z. Mahir Yagcilar, Ministër i Administratës Publike.

Ministri i MAP-së pasi që përshëndeti te gjithë pjesëmarrësit, Ministrat dhe zëvendës Ministrat, Sekretarët e Përgjithshëm një falënderim te veçante bëri për Kryeministrin Isa Mustafa për prezencen e tij dhe mbështetjen dhënë procesit të RAP.

Mbledhja është caktuar në koordinim dhe kërkesë të Kryeministrit që t'i diskutojmë të arriturat në fushën e reformës së administratës publike, që nga themelimi i strukturave politike me vendim të Qeverisë me datë 21 janar 2015 të përcaktimit të Kornizës Strategjike për Reformën në Administratën Publike duke potencuar se Reforma në Administratën Publike mbetet një ndër çështjet kryesore dhe kërkesë e Bashkimit Evropian dhe kërkesë për MSA për një administratë profesionale dhe efikase. Pas kësaj fjala ju dha kryeministrit z. Isa Mustafa.

Z. Isa Mustafa- falënderoj të pranishmit të tjerë duke potencuar se është biseduar me Ministrin e MAP-së si dhe me Ministrat e tjerë dhe me përfaqësues të Bashkimit Evropian me të cilët jemi te interesuar të bashkërendimin edhe kohën për t'i përmbyllur në kohë detyrat lidhur me RAP , prandaj takimi i sotëm më shumë ka karakter operativ që ne të merremi vesh lidhur me afatet të cilat duhet ti kryejmë më së largu deri në fund të muajit maj në mënyrë që gjatë qershorit të arrijmë t'i bashkërendisim të gjitha punët lidhur me RAP, kjo pra tregon rëndësinë e administratës publike tek dhe ne duhet të kryejmë punët tona dhe të kemi informata se ku jemi me detyrimet në përmbushjen e obligimeve tona në mënyrë që ta bëjmë një agjendë të përbashkët lidhur me procesin e Reformës së Administratës Publike.

Kjo pra tregon rëndësinë e reformës që të kemi një administratë profesionale të paanshme dhe efektive dhe të kemi sistem të pagave që cakton pagë të njëjtë për punë të njëjtë, dhe të kemi një sistem të performancës i cili vlerëson punën e secilit, pra duke kërkuar që të koordinohemi duke pasur edhe mbështetjen e plotë të Kryeministrit në këtë proces.

Ministri Yagcilar përshëndeti kryeministrin për përkrahje dhe për përkushtimin dhe kërkoj si dhe raportimin nga kryesuesit e strukturave përgjegjëse për punën e bërë lidhur me RAP nga Sekretari i ZKM-së, MAP-së dhe MF-së.

Pas kësaj fjalën e mori Sekretari i Përgjithshëm i ZKM-së, ku potencoi edhe realizimin e një varg detyrash dhe aktiviteteve si përgatitja e bazës ligjore nga ZKM dhe akteve normative që janë në fuqi e që ndërlidhen me procesin e reformës; Ligji për Nismat Legjislative, Ligji për Gazetën Zyrtare, Rregullorja për Punën e Qeverisë, Rregullorja për Fushat e Përgjegjësisë Administrative të zyrës së Kryeministrit dhe të gjitha ministrive, udhëzimi administrativ për standardet dhe aktet normative, rregullorja për shërbimin qeveritar, rregullorja për departamentet për integrim evropian dhe koordinim të politikave që veprojnë në kuadër të ministrive, udhëzimi për rishikimin e akteve nënligjore të miratuara nga qeveria, si dhe udhëzimi administrativ për procedurat kriteret, si dhe udhëzimin administrativ për hartimin e strategjive dhe planeve për hartimin e tyre.

Me qëllim të zbatimit të lehtësimit janë përgatitur edhe udhëzuesit e mëposhtëm, doracaku për përgatitjen e të gjitha strategjive sektoriale, udhëzuesi për procesin e konsultimeve publike, udhëzuesi për hartimin e koncept dokumenteve dhe memorandumëve shpjeguese, udhëzuesi për hartimin dhe monitorimin e planit vjetor të qeverisë, udhëzuesi për hartimin e planit vjetor të punës së qeverisë, udhëzuesi për monitorimin dhe hartimin e vendimeve të qeverisë dhe udhëzimet praktike për përafrimin e legjislacionit të Republikës së Kosovës me legjislacionin e vendeve të BE-së.

Dokumentet që u përmendën me lartë mendojmë se janë të mjaftueshme në këtë fazë për të adresuar komponentët e zhvillimit të politikave. Si dokument i parë Strategjia për Rregullim më të mirë 2014-2020 që ka të bëjë me vlerësimin e ndikimit rregullativ për të avancuar procesin e hartimit të politikave dhe legjislacionit si dhe zbatimin e tyre është duke u miratuar Strategji për Rregullim 2014-2020 dhe me vendim të Qeverisë ky dokument po ashtu mbulon edhe fushën e zhvillimit dhe koordinimit të politikave dhe reforma rregullative ndërlidhet direkt me reformën në administratën publike duke forcuar kapacitetet e sektorit publik dhe zhvillimin ekonomik në shërbim të qytetarëve dhe të ekonomisë për krijimin e kushteve të interesit publik.

Pjesë e kësaj Strategjie është edhe Plani i Veprimit për reformën në administratën publike (PVRAP) i cili përcakton qartë objektivat specifike si dhe indikatorët përkatës që do të kontribuojnë në forcimin e kapaciteteve në sektorin publik dhe zhvillimin ekonomik, gjithashtu në proces të finalizimit është edhe dokumenti tjetër që ndërlidhet me hartimin e politikave dhe legjislacionit është udhërrëfyesi për vlerësimin EXPOS- ky vlerësim është një mjet i defi nimit më të mirë. Si dokument tjetër është edhe

udhërrëfyese për planifikim të integruar ku zyra për planifikim strategjik është duke punuar për një vit dhe është përkrahur nga një projekt i Bashkimit Evropian në përmirësimin e arkitekturës institucionale për planifikim dhe koordinim.

Pas kësaj, fjala ju dha Sekretarit të Përgjithshëm të MAP-së z. Fitim Sadiku, i cili përshëndeti të pranishmit dhe theksoj se në takimin e parë të Këshillit të Ministrave për Reformën e Administratës Publike të mbajtur me 30 janar 2015 është përcaktuar korniza strategjike për periudhën kohore 2015-2020 si dhe është krijuar grupi punues për hartimin e Strategjisë për Modernizimin e Administratës Publike dhe është hartuar drafti i parë për Strategjinë për Modernizimin e Administratës Publike dhe kjo strategji është fokusuar në; shërbimin civil, burime njerëzore, procedura administrative e ofrim shërbimesh, si dhe ri-organizim e llogaridhënie.

Ministria e AP-së është duke punuar pandërprerë në krijimin e e-Qeverisjes, që të kemi një administratë efikase dhe efektive sa me afër qytetarit dhe bizneseve të bazuara në ligj dhe llogaridhënie ku një falënderim i veçantë shkon për OECD SIGMA për përkrahjen e vazhdueshme.

Me këtë rast z. Sadiku përmendi disa obligimet për Ministrinë dhe për Qeverinë e Kosovës që dalin nga këto dokumente strategjike që ka të bëjë me katalogun e vendeve të punës ku për hartimin e katalogut ka ndihmuar edhe Banka Botërore, klasifikimin e vendeve të punës në shërbimin civil, dhe fillimin e sistemit të informatave të burimeve njerëzore të cilat janë aprovuar nga Qeveria e Kosovës, por vlen të theksohet se ka probleme në zbatimin në praktikë dhe kemi një hezitim nga ana e institucioneve lidhur me zbatimin në praktikë të katalogut të vendeve të punës.

Pas kësaj fjalën e mori Sekretari i Përgjithshëm i MF-së i cili përshëndeti të pranishmit dhe prezantoi punën e MF-së. Ai tregoi se në pajtim me Kornizën Strategjike të Administratës Publike 2015-2020 MF ka bërë hapat e nevojshëm për adresimin e këtyre çështjeve.

Grupi punues i Ministrisë së Financave në bashkëpunim me DMRAP-MAP, dhe ZPS dhe Ministrinë për Integritet Evropian është duke punuar në përgatitjen e një dokumenti lidhur me përcaktimin e objektivave strategjike që kanë të bëjnë për Strategjinë për Modernizimin e Administratës Publike.

Në bashkëpunim me institucionet dhe grupet e interesit të ndikuara dhe përfshira me financat publike është përgatitur drafti i objektivave për shtyllën e tretë menaxhimi i financave publike që ndërlidhet me Strategjinë për Modernizimin e Administratës Publike e cila pritet të finalizohet së shpejti.

Është hartuar Strategjia e Kontrollit të Financave të Brendshme 2015-2019 e cila është aprovuar nga Qeveria e Kosovës me 15.04.2015 e cila është e rëndësishë së veçantë dhe paraqet një avancim që nuk ishte deri më tani dhe mundëson kontroll të brendshëm të financave publike që karakterizohet me shfrytëzim sipas rrezikut, kontroll të dizajnuar mire dhe paraqet një lloj auditimi të brendshëm në të mirë të institucioneve.

Vlerësimi i PEFA-s dhe të gjeturat që dalin nga ky vlerësim në gjysmën e dytë të vitit 2015 do të adresohen në Strategjinë e Financave Publike 2015-2019 ky vlerësim do të bëhet me ndihmën e ekspertëve të BE-ës dhe ekspertëve vendor.

Po ashtu z. Baftiu theksojë se është duke u punuar për jetësimin e SIMFK versioni 7 përfshirë raportimin, monitorimin, prokurimet e centralizuara, prokurimet elektronike, rishikimin e Strategjisë Kombëtare 2014-2018 për parandalimin e ekonomisë jo formale, pastrimin e parave, financimin e terrorizmit dhe mund të themi se këto procese do të ndikojnë në rritjen e cilësisë dhe shërbimeve ndaj qytetarit.

Ministri Yagcilar më pas dha fjalën ja z. Fatos Mustafa nga DMRAP ku falënderoj të pranishmit dhe potencoi edhe rëndësin e shtrirjes së procesit të reformës edhe në rrafshin lokal duke përfshirë sa më shumë në proces edhe Ministrinë e Administrimit të Pushteti Lokal e cila në Strategjinë e re është pjesë e këtij procesi pasi në të kaluarën ishte sfidë më e madhe, gjithashtu ai tregoi edhe për rëndësin e përgatitjes së këtyre dokumenteve sidomos për takimin e Grupit të Veçantë për RAP i cili do të mbahet me 2 Qershor 2015.

Pas kësaj Kryeministri Mustafa theksoj rëndësin e bashkërendimit të veprimeve dhe kërkoj të bëhet një agjendë lidhur me arritjet dhe sfidat në RAP në mënyrë që të kemi inputet dhe hapat të cilat duhet ndërmarrë ne si Qeveri e Kosovës.

Pas kësaj fjalën e mori Ministri i Financave z. Abdullah Hoti potencon edhe problemin lidhur me katalogun e vendeve të punës i cili theksoj se nuk kontestohet katalogu i vendeve të punës mirëpo më parë pritet miratimi i Ligjit për Pagat e Nëpunësve Publik ku nga ky Ligj qartësohet hierarkia dhe pritet t'i përshtatet edhe Katalogu i Vendeve të Punës duke mundësuar një reformë të mirëfilltë në administratën publike.

Konkluzionet e përgjithshme të dala nga ky takim janë:

- (1) Hartimi i një agjende për çështjet që kanë ngec për takimin e radhës së Qeverisë.*
- (2) Organizimi dhe mbajtja e takimit të Këshillit të Ministrave për Reformën e Administratës Publike në javën e fundit të muajit maj.*
- (3) Para takimit të Grupit të Veçantë për Reformën e Administratës Publike, të finalizohen draftet për Kornizën Strategjike për RAP, nga Zyra e Kryeministrit, Ministria e Administratës Publike dhe Ministria e Financave.*

Pjesëmarrës:

Anëtarë të KMRAP

1. Z. Mahir Yagcilar, ministër MAP
2. Z. Abdullah Hoti, ministër MF
3. Z. Avni Kastrati zv. Ministër MTI
4. Z. Ramadan Ilazi zv. Ministër MIE
5. Z. Edon Myftari, këshilltar i Kryeministrit

Pjesëmarrës të tjerë:

Isa Mustafa, Kryeministër
Fitim Krasniqi, SP (ZKM)
Fitim Sadiku, SP (MAP)
Naim Baftiu, SP (MF)
Fatos Mustafa, u.d. drejtor DMRAP (MAP)
Skender Sallauka (MAP)
Ebru Zborca (MAP)
Birsen Shufta (MAP)
Valon Gashi, drejtor (MIE)
Ibadete Mehmeti (MAP)
Gafurr Hasani (MAP)
Driton Blakçori (MAP)
Visar Xani (MAP)
Albina Duraku – Nura (KE)

Aneks:

Këtij procesverballi i bashkëngjitet edhe agjenda e takimit

.....
Sekretariati i KMRAP